

ИНГЛИЗ ВА ЎЗБЕК ТИЛЛАРИДА ҚЎШМА ОТЛАР ҚЎЛЛАНИЛИШИННИГ ИЗОМОРФИК ВА АЛЛОМОРФИК ХУСУСИЯТЛАРИ

Наргиза Эргашбаевна ЮЛДАШЕВА

Ўзбекистон давлат жаҳон тиллари университети

Тошкент, Ўзбекистон

ИЗОМОРФИЧЕСКИЕ И АЛЛОМОРФИЧЕСКИЕ ОСОБЕННОСТИ УПОТРЕБЛЕНИЯ СЛОЖНЫХ СЛОВ В АНГЛИЙСКОМ И УЗБЕКСКОМ ЯЗЫКАХ

Наргиза Эргашбаевна ЮЛДАШЕВА

Узбекский государственный университет мировых языков

Ташкент, Узбекистан

ANALYSIS OF THE COMPOUND NOUNS AND THEIR ISOMORPHIC AND ALLOMORPHIC FEATURES

Nargiza Ergashbaevna YULDASHEVA

Uzbekistan State World Languages University

Tashkent, Uzbekistan

UDC (УЎК, УДК): 372.881.111.1

For citation (иктибос келтириш учун,
для цитирования):

Юлдашева Н.Э. Инглиз ва ўзбек
тилларида қўшма отлар қўлланилишининг
изоморфик ва алломорфик
хусусиятлари //Ўзбекистонда
хорижий тиллар. — 2020. —
No 2(31). — С.153-162.

<https://doi.org/10.36078/1588930165>

Received: December 12, 2019

Accepted: February 17, 2020

Published: February 20, 2020

Copyright © 2020 by author(s).
This work is licensed under the Creative
Commons Attribution International License
(CC BY 4.0).

<http://creativecommons.org/licenses/by/4.0/>



Open Access

Аннотация. Мақолада инглиз ва ўзбек тилларидағи қўшма отлар, уларнинг ўзига хос жиҳатлари ёритиб берилган. Инглиз ва ўзбек тилларида қўшма отларнинг хусусиятлари, жумладан, уларнинг изоморфик ва алломорфик жиҳатлари тадқиқ этилган. Хусусан, уларни шакллантирувчи омиллар очиб берилган. Тилшуносликда қўшма отлар муаммоси кўплаб тилшунос олимлар томонидан ўрганилган бўлса-да, қўшма сўзларни сўз биримасидан фарқловчи белги-хусусиятлар қатъий белгиланмаган. Тил луғат бойлигига алоҳида ўринга эга бўлган қўшма сўз аслида вокеликда содир бўлаётган ходисалар, мавжуд предметлар тўғрисидаги тушунчаларни оддий йўсингда аташнинг қулай усулидир. Қўшма сўзни сўз биримасидан фарқловчи асосий белгилар мавжуд бўлиб, улар мазкур мақолада асослаб берилган. Қўшма сўзларга тегишили бўлган яна бир хусусият улардаги идиоматикликдир. Қўшма сўзларнинг идиомалашиб сабаблари жадвал асосида тушунтирилиб, изоҳланган. Қўшма сўзларнинг функционал семантикаси масаласи хақида кўп тилшунослар ўз фикр муносабатларини билдирган ва мақолада уларнинг фикрлари таҳлилга тортилган ҳолда хуносалар чиқарилган. Бундан ташқари, мақолада ясама сўзлар хақида ҳам фикр юритилган. Ясама қўшма сўзлар умумий қўшма сўзлар таркибидан ажралиб чиқкан сўзлар бўлиб, ўзларининг баъзи бир хусусиятлари билан содда қўшма сўзлардан фарқ қиласди. Ясама қўшма сўзлар содда қўшма сўзлардан энг аввало ўзларининг ясалиш усуllibari билан фарқланиши асосланган. Бироқ хеч қайси белги-хусусият қўшма сўзлар табиатини белгилашда етакчи омил бўлмаслиги илмий мисоллар билан кўрсатиб берилган.

Калит сўзлар: қўшма сўз; функционал грамматика; коммуникатив грамматика; турғун сўз биримка; идиоматиклик ходисаси; изоморфик; алломорфик; прагматика; фразеология.

Аннотация. В статье рассматриваются изоморфные и алломорфные особенности сложных слов на английском и узбекском языках. В частности, в статье объясняются факторы, которые сформировали их. Несмотря на то что проблема сложных слов изучается многими лингвистами, сложные слова четко не отличаются от словосочетания. Словарный запас, который занимает особое место в языке, — это, по сути, события, происходящие в реальности, самый простой способ представить простые понятия о предметах. Словосочетание основано на комбинации слов. Другой аспект, который имеет отношение к рассматриваемым единицам, — это идиоматичность. Причины идиоматичности сложных слов объяснены в статье. Многие лингвисты высказывают свои взгляды на функциональную семантику сложных слов, а в статье анализируются их аргументы и выводы. Кроме того, в статье также обсуждаются производные слова. На примерах доказано, что ни один конкретный атрибут не будет ведущим фактором в определении природы общих слов.

Ключевые слова: сложные слова, функциональная грамматика; коммуникативная грамматика; устойчивые словосочетания; идиоматичность; изоморфизм; алломорфизм; pragmatika; фразеология.

Abstract. The article is devoted to the analysis of the compound nouns and their specific features. According to their usage isomorphic and allomorphic factors of compound nouns in English and Uzbek languages and their formation have been identified. In particular, they reveal the formative factors that constitute compound nouns. Problems of compounds are learnt by some scientists, however, the distinctive features of compounds from the word combinations are not stated as stable. A word that has a special place in a dictionary is the easiest way to simply comprehend the concepts of the subject and try to isolate the main characters from the object. Another feature associated with compound words is its idiomatic feature. The reasons of idiomatic compounds are represented and scrutinized on a chart. Furthermore, the problem of functional semantics in compound words is examined by plethora of scientists and scholars whose ideas and views are applied for drawing conclusions by analyzing them in this article. In addition, one of the most actual issues of modern linguistics — derived words are figured out more widely. The disparate features between derivative words and compound words are discussed and their diverse peculiarities are pointed out. However, no sign is the leading feature in defining the nature of compound words. The article addresses such issues as comprehensive coverage.

Key words: compound word; functional grammar; communicative grammar; stable word combination; idiomatic words; isomorphic; allomorphic; pragmatics; phraseology.

Кириш. Қўшма сўз тил лугат бойлигига алоҳида ўринга эга бўлиб, воқеликда содир бўлаётган ходисалар, мавжуд предметлар тўғрисидаги тушунчаларни оддий қулай усулда аташдир. Қўшма сўзлар хақида қатор тадқиқотлар яратилган бўлса-да, нутқий мулоқотда қўшма сўзлар таҳлили борасида айрим баҳсли масалалар мавжуд (2, 27–32).


Қўшма сўзларнинг турли кўринишдаги нутқий тузилмалар, шу жумладан, фразеологик бирликлар таркибида қўлланиш хусусиятларини ўрганишдан аввал уларнинг ўзларидағи лексематик, номинатив белгиларини аниқлаш эҳтиёжи туғилади. Маълум бир турдаги тил бирликларини қўшма сўз сифатида талқин этиш учун ушбу бирликлар бир қатор шаклий ва мазмуний белгилар мажмуасига эга бўлиши лозим. Аммо бундай белгилар барча ҳолатларда ҳам бир хил кўринишда намоён

бўлавермайди. Шунинг учун қўшма сўзларнинг тўлиқ таснифини бериш ва уларни бошқа турдош, кўриниш жиҳатидан яқин ҳодисалардан фарқлаш осон вазифа эмас. Бинобарин, қўшма сўзларни бир томондан аффиксли ясама лексемалардан, бошқа бир томондан эса, аналитик атамалар бўлган фраземалар ёки эркин сўз бирикмаларидан фарқлаш учун хизмат қиласидан “ўлчам”ларини топиш керак бўлади (5, 78).

Бу йўналишдаги изланишлар мантиқан икки асосий мақсадни кўзлайди: киёсланаётган бирликларни фарқлаш ва ўхшаш томонларини аниқлаш. Қўшма сўзнинг сўз бирикмаси билан ўхшашлик томони унинг “ички синтаксиси”, яъни пайдо бўлиши учун асос бўлган синтактик тузилма билан муносабатида намоён бўлади.

Дарҳақиқат, *the house has many stories — a many — storied building* — уйнинг кўп қавати бор, кўп қаватли бино; *the child is three years old child* — бола уч ёшда, уч ёшли бола каби қаторларни солиштирганда, қўшма сўзлар замирида турли кўринишдаги нутқий қурилмалар ётганлигига гувоҳ бўламиз. Бироқ қўшма сўз ҳосил бўлиши оддийгина бирор-бир синтактик бирикманинг трансформацияси — қўчиши сифатида қараш маҳсулдор нуктаи назар эмас. Бу каби фикрлар аллақачон генератив грамматика тажрибасида ўз аксини топган. Трансформация, номинализация каби ҳаракатлар тил ҳодисалари таркибий тузилишини кўрсатишида қўл келса ҳам, сўз ясалиши моҳияти нутқий мулоқотда тил бирликларини тежаш тамойилининг устиворлигига ҳам қўринади. Нутқ тизимида ҳар доим ҳажм жиҳатидан кичик бўлган, лексик бирлик воситасида иложи борича кенг миқёсдаги ахборотни маълум қилиш ҳаракати сезилади.

1-жадвал



Кўшма отларнинг турғун сўз бирикмалари билан алоқаси ўрганилаётганда асосий эътибор уларнинг ўхшаш томонларига қаратилаётгандек туюлади. Бундай ўхшашлик лексик бирликлар маъно қисмларининг шаклланишида, уларнинг идиома кўринишини олишда кўзга ташланади. Кўшма отнинг лексик маъноси турли сабабларга кўра идиомалашади. Жумладан, 1) қўшма отлар тўғридан-тўғри фразеологик бирикмалардан ясалиши мумкин; 2) қўшма от дастлабки маъносини ўзгартириш эҳтимоли мавжуд; 3) идиоматик маъно қўшма от бошқа тилдан ўзлаштирилаётганида (калькалаштириш йўли билан) туғилади (3, 4).

Кўшма сўз мазмун жихатидан турғун сўз бирикмасига жуда ҳам яқин туради. Бу яқинлик айниқса, фразеологик бирикма маъносининг нутқ жараёнида эркин кўшма сўзга кўчишида кўринади. Масалан, инглиз тилидаги *to oil one's palm* “пора бермок” (сўзма-сўз: “қўлини ёёламок”) турғун бирикмаси заминида *bribe* “пора” (сўзма-сўз: “қўл ёги”) лексемалари пайдо бўлган. Аммо бундай таркибий ва маъно ўхшашлиги кўшма сўзнинг фразеологизмлар билан алоқасининг биргина томонидир. Ушбу алоқанинг яна бир эътибордан четда қолиб келаётган томони мавжудки, уни ўрганмасдан туриб, тил бирликларининг структуравий-семантик хусусиятларини, уларнинг нутқий мулоқот тузилмаларидағи вазифасини тўлалигича ёритиш мушкул бўлиб қолаверади. Чунончи, кўшма сўзларнинг тил тизими лугат жамғармасида мавжуд бўлган кўплаб фразеологик бирикмалар таркибида қўлланиши барчага маълум ходисадир. Бироқ бу сўзлар тайёр лугавий “хом ашё” сифатида қўлланиладими ёки улар бевосита нутқ жараёнида юзага келадими, ушбу сўзларнинг турғун бирикма мазмунига таъсири қандай, деган қатор саволлар ҳалигача ўз жавобини кутмоқда.

К.Тўхтаеванинг фикрига кўра, кўшма сўз ҳар қандай ясама лугавий бирлик каби нутқий ва мантиқий фаолият маҳсулидир. Бундай фаолият ички ва ташки томондан мукаммал бўлган лингвистик ҳамда тафакқур ҳаракатлари асосида юзага келиб, унинг натижасида нутқий фаолият ижодкори ташки оламдаги предмет, ҳодисаларни идрок этади, уларнинг умумий қатордаги ўринини аниқлайди, бошқалари билан қиёслайди, кейин эса уларга ном беради, атайди. Аташ фаолияти кўпгина ҳолатларда “иккиламчи” лингвистик ҳаракат бўлиб, бунда тил тизимида мавжуд бўлган бирликлар жараёнининг асосий мазмунини тўлиқ очиб бериш курдатига эга эмас. Зоро қўшма сўз ҳосил бўлиши жараёнининг фақатгина синтаксис нуқтаи назаридан талқин қилиш унинг бошқа, жумладан, семантик ва функционал хусусиятларини инкор қилиш хавфини туғдиради. Ҳолбуки, синтаксис кўпгина ҳолатларда семантикага нисбатан иккиламчи ўринни эгаллаб, у маълум бир мазмунни шакллантириш вазифасини ўтайди холос. Кўшма сўзнинг лугавий ҳодиса эканлигини белгиловчи асосий кўрсаткичларидан бири унинг ўзига хос номинатив (аташ) функциясини бажариш имкониятига эга бўлишидир.

Кўшма сўз ясаш жараёни мукаммал семантик фаолият натижасида. Бу жараёнда биз турли хил номинатив воситаларнинг ўзаро мослашуви замирида ўзига хос маъноларнинг бирикиши юзага келишини кўрамиз. Кўшма сўз ва нутқий-семантик тузилма, даставвал, ташки дунё воқеа-ҳодисаларининг турлича инъикоси натижасида. Бу икки ҳолатда воқеликда юзага келаётган ҳодиса, предметнинг бутунлай бошқа-бошқа томонлари ва белгилари ажратиб олинниб, алоҳида бўрттириб кўрсатилади (масалан: *wooden-legged - leg made of the wood*) ёки бошқача кўринишдаги мантиқий муносабатларни ифодалаш мақсади амалга оширилади. Синтактик тузилма ва кўшма сўз бир хил референтга яъни номинатив асосга эга бўлмаслигини, уларнинг негизида турган мантиқий фикр-мулоҳазанинг ўзаро мос келмаслигига ҳам кўриш мумкин. Қиёсланг: *he drives a car* — у машина ҳайдайди, *a car driver* — машина ҳайдовчи. Бундай мутаносибликтарнинг сабаби ўз-ўзидан равшан: синтактик тузилма коммуникатив бирлик бўлиб, у бевосита нутқий мулоқот жараёнида юзага келади, кўшма сўз эса номинатив бирлик, унинг нутқда қўлланиши бевосита, яъни нутқий-синтактик тузилмалар таркибига кириши асносида амалга оширилади (1, 21).

Синтактик қурилма ва номинатив бирлик — кўшма отнинг турли хил вазифаларни бажариши натижасида уларнинг бирида аниқ предмет,

ҳодиса ҳақида фикр юритилса (масалан: *the pear looks like an apple*), иккинчисида эса реферант аниқ эмас, умуман, маълум гурухга, турга киравчи предмет аталади (анжир шафтоли).

Хуллас, қўшма сўзнинг бошқа тил ҳодисалари билан бўлган муносабатини таҳлил қилиш, унинг тил тизимидағи ўрни ва семантик хусусиятларининг шаклланиши йўлларини аниқлашга хизмат қиласди.

Қўшма сўзларнинг функционал семантикаси масаласи ҳақида кўп тилшунослар ўз фикр-мулоҳазаларини билдирган. Шулардан бири И. Солиев бўлиб, у ўз мақоласида инглиз тилининг сўз ясалиш тизимида ясама сўзлар муаммоси алоҳида категориал тип сифатида қаралиши ҳақида гапириб, қўшма сўзлар юзасидан олиб борилган ишда ясама сўзлар ҳақида, уларнинг функционал аспектлари ҳақида деярли сўз юритилмаган, агар юритилган бўлса ҳам, шунчаки, йўл-йўлакай кайд этиб ўтилганлигини таъкидлади (1, 83).

Маълумки, кўпчилик олимларнинг фикрича, ясама қўшма сўзлар умумий қўшма сўзлар таркибидан ажralиб чиқсан сўзлар бўлиб, ўзларининг маълум бир хусусиятлари билан содда қўшма сўзлардан фарқ қиласди. Ясама қўшма сўзлар содда қўшма сўзлардан энг аввало ўзларининг ясалиш усуллари билан фарқланади. Ясама қўшма сўзларнинг иккиламчи референцияли тури таркиб жиҳатидан ҳам энг мураккаби хисобланади. Янги прагматик маъно аффикслар қўшилиши ёрдамида аввалроқ бир-бирига қўшилган сўзлар тўғри ёки идиоматик маъноларига қўшимча тарзда қўшилиши орқали ҳосил қилинади. Масалан: *high-flier*, *high-scaler* қўшма-ясама сўзларнинг иккинчи қисми бўлган *flier* ва *scaler* сўзлари лугатларда берилган бўлса, уларнинг маъноси бутун қўшма сўзнинг маъносидан бироз фарқ қиласди. Қўшма сўзнинг умумий референциал маъноси ва унинг таркибини ташкил этувчи сўзлар референциал маънолари ўртасидаги муносабатини, табиатини ўрганиш қўшма сўзлар функционал-семантикасини тадқиқ этишининг асосий шартларидан хисобланади. Бу нарсани тадқиқ этишда идиоматик ҳодисасининг мавжудлигига эътибор қаратишимиш керак. Бу мезонга қўра қўшма сўзлар уч гурухга бўлинади:

Биринчи гурухга референциал маъноси идиоматиклик характерига эга бўлган қўшма сўзлар киритилади. Бу гурухга кирган сўзлар билан трансформация ёки субституция процедуруларини амалга ошириб бўлмайди. Масалан: *catcall*, *skylight* қўшма сўзлари шу гурухга киради. *Catcall* — **the call of a cat*, *Skylight* — **the light of a sky*, *mushroom* — **the room for mush*, *dogcall*, *catcry*, *skyshine*, *catsound*, *earthlight*.

Туятовон, айиқтовон, бўтакўз, Тангатопди, Сотиболди, Қоракулоқ, мингдевона, кўксултон, бўрикалла, кораялоқ, кизилиштон.

Иккинчи гурухга киравчи қўшма сўзлар референциал маъносининг табиатига қўра ноидиоматик референциал маънога эга бўлган қўшма сўзлар бўлиб, улар билан трансформация қилиш ва биринчи элементнинг субституциясини амалга ошириш мумкин. Бу гурух қўшма сўзларига мисол килиб *bedroom*, *sitting-room*, *ball-room*, *crush-room*, *green-room*, *bathroom* каби сўзларни келтириш мумкин. *Bedroom* — *the room for beds*, *sitting-room* — *the room for sitting*, *ball-room* — *the room for balls*, *bathroom* — *the room for bathing*.

Бу гурухга бундан ташқари *blue-book*, *cash-book*, *cheque-book*, *day-book*, *guide-book*, *hand-book*, *horn-book*, *log-book*, *mess-book*, *note-book*, *school-book*, *song-book*, *text-book*, *word-book*, *work-book*, *stock-book* каби сўзларни ҳам киритиш мумкин. Бу каби қўшма сўзларда иккинчи компонент қайсиидир маънода доимийлик ва такрорийлик характерига эга ва шунинг учун бу ерда иккинчи доимий компонент бўлган моделнинг нутқдаги реализацияси қузатилади, десак муболага бўлмайди. Бу гурух

анчагина сермаҳсул гурух хисобланиб, нутқда янгидан-янги қўшма сўзлар шу модел асосида кўплаб яратилади. Масалан: *farmyard, churchyard, bookland, clubland, Disney-land, dockland, dreamland, filmland, starland, downland, grassland, homeland, tableland, headland, highland, moorland, woodland*.

Ўзбек тилида оиҳона, чойхона, гулхона, меҳмонхона, ишхона, мактабхона, машқхона, девонхона, қоровулхона, таванхона, *касалхона, қассобхона, сартарошхона, иссиқхона, отхона, Тўрқовоқ, носқовоқ, ошқовоқ, попукқанд, оққанд, Лайлактепа, Оқтепа, Хирмонтепа, Бешкўргон, Оқкўргон, Тўракўргон*.

Учинчи гурух қўшма сўзлар ўзларининг референциал маъносининг табиатига кўра ноидиоматикдир. Тузилиши ва ташкил этувчи белгилари ўртасидаги муносабатларга кўра у иккинчи гурухга жуда ўхшацдир. Иккинчи гуруҳдан фарқи шундаки, қўшма сўзининг умумий референциал маъноси қўшма сўз иккинчи компонентининг референциал маъносига тенг бўлади, биринчи компонентни эса бошқа сўз билан алмаштириб бўлмайди. Масалан: *beehive — hive*. Бошқа мисоллар: *blow-out, cut-off, runaway, draw-back, stand-still, frame-up, down-pour, income, offset, outbreak, outlet, overdress, handshake, cock-shy, earthquake, hold-all, sundown, nosegay, E-boat, V-day* ва ҳоказолар.

Ўзбек тилида: қўзойнак, тилақош, аччиқтош, музқаймоқ, киркоёқ,

Кўшма сўзлар функционал аспектининг таҳлили уни ташкил этувчи сўзларнинг референциал маъносини бутун қўшма сўз референциал маъноси ўртасидаги муносабати, референциал маъноси табиати каби масалалардир. Бу ўринда биз мана шу нуқтаи назардан қўшма сўзларнинг референциал маъносига табиатини кўриб чиқамиз.

Insecticide — хашаротларни қириш учун восита; *fratricide* — қариндошлар, биродарларнинг бир-бирини ўлдириши; *homicide* — қотиллик, қотил; *genocide* — геноцид, одамларни ўлдириш. *-cide* элементи ўзак морфема бўлиб, у “ўлдираётган” маъносини билдиради, биринчи компоненти предметлик ва жонлилик маъносига эга бўлиб, у ўлдириладиган объектни кўрсатади. Бу компонент билан ясалган бошқа қўшма сўзлар куйидагилар: *suicide, viticide, valpicide, fungicide, parasiticide, germicide, felicide*.

Кўриниб турибдики, бу ерда санаб ўтилган қўшма сўзлар референциал маъноси доимийлик ва ўзгармаслик табиатига эга. Бу доимийлик эса шу турдаги янги қўшма сўзларни ясашга модел бўлиб хизмат қиласди.

Democracy (халқ хокимиияти), *stratocracy* (ҳарбий хокимиият), *ergatocracy* (ишчилар хокимиияти), *gynocracy* (аёллар хукмронлиги), *monocracy* (якка хукмронлик), *foolocracy* (ахмоклар хукмронлиги), *pedantocracy* (чаласавод педантлар хукмронлиги), *technocracy* (технократия), *aristocrat* (аристократ), *democrat* (демократик партия аъзоси), *landocrat* (катта ер эгаси), *technocrat* (техник эксперталар хукмронлигини кўллаб қувватловчи), *autocrat* (чекланмаган хукмронликни ўз қўлига олган хукмдор.).

Бу қўшма сўзлар референциал маъноларининг таҳлили шуни кўрсатадики, агар аввалги гурухларда, яъни *-cide, -cracy* лар билан ясалган қўшма сўзларда иккинчи компонент референциал маъноси ўзгармас характерга эга бўлган бўлса, бу гурухга яъни иккинчи компоненти *-crat* бўлган сўзларда юқоридаги ҳолат кузатилмайди. Аниқроқ қилиб айтганда, бу ердаги иккинчи элемент референциал маъноси “биринчи элементда кўрсатилган нарсанинг эгаси” каби маънодан, яъни нисбатан пассив эга шахсдан, то “жуда фаол, хукмронлик ишини катта ҳажмда олиб борувчи ўта фаол, шунинг

оқибатида салбий оттенкага эга бўлган шахсни билдириш” даражасидаги катта кўламдаги референциал маънога эгадир. Бу иккинчи элементнинг функционал жиҳатдан фаоллиги тил системасига янги-янги қўшма сўзларни пайдо бўлишига олиб келган.

Кейинги мисоллар гурухининг таҳлилига ўтамиз. Бу қўшма сўзларнинг иккинчи компоненти *-gram* бўлиб, у маҳсус қурилмалар ёрдамида бирор нарсани ёзуб олишни билдиради. Масалан: *roentgenogram* (флюорографик ёзув), *aerogram*, *marconigram*, *radiogram*, *cablogram*. Бу каби сўзларда ёзувнинг қайси йўл билан амалга оширилиши ҳақида сўз юритилади. Бу элемент билан ясалган яна бир гурух сўзларда ниманинг ёзуви амалга оширилганлиги қўрсатилади. Масалан: *sphygmogram* — юрак уришининг ёзуви; *shygmos* — пульс, пульсация; *thermogram* — бирор бир мухит ҳароратининг ёзуви; *heliogram* — куёш юритишни давомийлигини ёзиш; *spectrogram* — спектрни акс эттирувчи ёзув; *palatogram* — талаффуз вақтида танглайнинг ўзгаришларини ёзуб олиш; *phonogram* — овозни ёзуб олиш ва уни қайта эшилтириш.

Юқорида айтиб ўтилган қўшма сўзларнинг элементи бўлган *-gram*нинг референциал маъноси жараёнини билдирган бўлса, бу унинг ягона маъноси эмас. Бу элемент томонидан билдириладиган референциал маънонинг яна бир тури “ҳарф, белги” маъносидир. Масалан: *anagram* (сўзда ҳарфлар жойлашиш тартибини алмаштириш), *logogram* (стенография ёзуви вақтида ҳарфлар урнига ишлатиладиган белги), *monogram* (бирор кимса исми, шарифи ва отасининг исми бош ҳарфларини бир-бирига қўшиб ёзилган шакли), *hexagram* (гексаграм), *parallelogram* (параллелограм), *polygram* (полиграм) сўзларида

-gram элементи “чизиқ” маъносини билдиради. Булар жумласига *tengram* сўзи хам киритилиб, унинг маъноси “маълум бир фигураларни тузиш ўйли билан ечиладиган Хитой бошқотирмаси”дир.

Навбатдаги сўз — *graph* бўлиб, бу ўзак морфема тўрт хил референциал маънони билдиради. 1) ўзи ёзар асбоб, аппарат маъносини билдиради: *phonograph* — овоз ёзиш асбоби;

Spectrograph — спектрларнинг суратини олишга ишлатиладиган асбоб;

Chonograph — вақт оралиқларини қайд қилишга ишлатиладиган асбоб;

Spirograph — пациентлар ўпкаси ҳаво сигимини ўлчашга ишлатиладиган асбоб.

2) тасвир, сурат, гравира маъносини билдиради:

Xylograph — ёғочга, дарахтга ўйиб ишланган сурат;

Lithograph — тошга ўйиб ишланган сурат.

3) ёзув, ёзилган нарса:

Autograph — ўзи-ўзича ёзилган ёзув, ўз-ўзидан пайдо бўлган ёзув;

Petrograph — қояга ўйиб ёзилган ёзув;

Critograph — шифрланган хат.

4) ҳарф, белги маъносини билдиради:

Digraph — бир товушни ифода қилувчи икки ҳарф;

Ideograph — тушунчани ифодаловчи ёзма белги;

Pictograph — расмли ёзув.

Иккинчи элемент референциал маъносида рўй берган ўзгаришлар бу ўзак морфема функционал қўлланилиш қўлламишининг кенгайиб бориши билан изоҳланади. Бундай кенгайиш натижасида яна бир қанча сўзлар пайдо бўлди. Масалан: *barograph*, *metograph*, *meteograph*, *radiograph*, *typograph*, *electrograph* ва ҳоказо.

Кейинги қўшма сўзлар серияси *mania* элементи билан ясалган

қўшма сўзлардир. *Bibliomania, Anglomania, gallomania, Germanomania, Graccommания, Teutonomania*. Бу каби ҳолатлар бошқа қўшма отларнинг элементлари билан ҳам содир бўлади. Масалан: *landscape* қўшма сўзининг иккинчи элементи —*scape* қўплаб бошқа сўзлар билан кушилган ҳолда янги қўшма сўзлар яратди. Бўларнинг барчасида қўшма сўз билдираётган маъно кўлами кенгайиши бу элементнинг функционал сферасининг кенгайиши билан изоҳланади. Агар янги ясамаларга эътибор берсак, *earthscape* — ер планетасининг пейзажи туширилган сурат, *seascape* — денгиз тасвири туширилган сурат, *cloudscape* — булутлар тасвирланган пейзаж, *landscape* — сахро, кенг кумликлар тасвирланган сурат, *mountainscape* — тоғ манзараси чизилган сурат, *moonscape* — ой манзараси акс эттирилган сурат, *parkscape* — парк манзараси акс эттирилган сурат, *skyscape* — осмон манзараси акс эттирилган сурат, *waterscape* — сув манзараси чизилган сурат, *housescape* — ўй манзараси чизилган сурат, *roadscape* — йўл манзараси чизилган сурат ва ҳоказоларда — *scape* элементининг функционал кўлланилиш кўлами нутқда кенгайганлигидан далолат беради.

Ҳозирги замон инглиз тили сўзлашув нутқида, оммавий ахборот воситалари тилида ҳамда реклама ахборот воситалари тилида кўп ишлатиладиган сўз ясаш воситаси *worthy* элементи бўлиб, бу сўз ўз референциал маъносини тўла сақлаган ҳолда янги сўзлар билан бирикиб янги қўшма сўзлар яратади. Масалан: *seaworthy* — денгизга олиб чиқишига арзийдиган кема ёки қайик; *roadworthy* — йўлга олиб чиқишига арзийдиган ёки йўл курса арзийдиган; *blameworthy* — айблашга арзийдиган, айбланишга тўла асосга эга бўлган; *trustworthy* — ишончга лойик, ишончга сазовор; *newsworthy* — янгилик сифатида айтишига арзийдиган. Бундан ташқари иккиласми деривация натижасида янги сўзлар “unroadworthy” яралди. The car is unroadworthy — Бу машина ёмон йўлларда ҳам юраверади.

Референциал маъноси қисман ўзгарган ҳолда янги сўз ясашда фаол иштирок этган сўзлардан яна бири — *happy* сўзи бўлиб, унинг деривацион потенциали кенгайиб нутқда фаоллашувни бошидан кечирди. Бу фаоллашувнинг натижаси сифатида қуидаги сўзларга эга бўлдик: *slaphappy* — қаттиқ зарба еб нокаутга учраган боксер, *bark-happy* — вовуллаб чарчамайдиган ёки зерикмайдиган қўриқчи ит, *stripe-happy* — унвони оширилишини жуда хоҳлайдиган унвон жинниси, *trigger-happy* — арзимайдиган сабаб, баҳона билан тўппончага ёпишадиган одам, кўчма маъноси ўзини боса олмайдиган, ўпкаси йўқ, ҳовлиқма одам, *fight-happy* — курашиб чарчамайдиган, кураш тушишни яхши кўрадиган одам, *dollar-happy* — пулни жонидан ортиқ севадиган одам.

Бу сўзга функционал жиҳатдан ўхшаш бўлган сўз *crazy* дир. Бу сўз ҳам маъно жиҳатидан *happy* га яқинроқ туради ва у “бирор нарсанинг ўта ишқибози, жинниси” маъносини беради. Масалан: *girl-crazy* — қизларнинг кетидан юришни яхши кўрадиган йигит, *boy-crazy* — йигитларни яхши кўрадиган қиз, *stir-crazy* — қамоқхонада ўтиравериб озодликни унутаёзган махбус, *fight-crazy* — кураш жинниси, *stage-crazy* — сахна жинниси. Бу каби қўшма-ясама сўзларнинг бир гурухи турли феълларнинг сифатдош II шакллари ёрдамида ясалган. Масалан: *stage-struck*, *movie-struck*, *girl-struck*, *security-minded*, *social-minded*, *federation-minded*.

Яна бир қанча гурухлар *jockey* сўзининг функционал доираси кенгайиши оқибатида юзага келган. Масалан: *ploughjockey* (фермер). Бу сўзининг сўзма-сўз таржимаси (“шудгорни бошқарадиган, олиб борадиган одам” бўлиб чиқади). *Bus-jockey* (автобус хайдовчиси); *jet-jockey* (реактив самолёт учувчиси); *chopper-jockey* (вертолёт учувчиси).

Шу каби қўшма сўзларнинг яна бир гуруҳи *pot* сўзининг функционал сферасининг кенгайиши оқибатида пайдо бўлган. Масалан: *rimpot* (ичкиликбоз, ромга роса тўйган, бўкиб қолгунча ичган, сўзма-сўз таржимаси эса ром бочкаси ёки қозон), *crackpot* (думбул, мияси айниган одам, сўзма-сўз таржимаси дарз кетган қозон, бочка), *fuss-pot* (ваҳиманинг уяси, ваҳимачи одам), *stinkpot* (ёқимсиз одам, сасиган қозон, бочка).

Функционал жиҳатдан кенгайган ва бунинг оқибатида янги ясама сўзлар пайдо бўлишига олиб келган яна бир сўз *monkey* дир. Бу компонент билан ҳам қатор идиоматик қўшма сўзлар ясалганки, уларнинг маъносида *monkey* сўзининг маъносидан деярли ҳеч нарса қолмади. Масалан: *roadmonkey* (йўл қурилиш ишчиси), *broommonkey* (пол супурувчи одам), *powdermonkey* (қўпорув ишлари ишчиси).

Бу каби қўшма сўзларнинг нимага асосланган ҳолда пайдо бўлганини изоҳлаб, тушунтириб бериш жуда қийин, чунки йўл қурилиши ишчиси билан маймун ўртасида бирор-бир яқинлик ёки умумийликни топиш жуда мушкул.

Шу каби сўзлардан яна бири *bait* сўзи бўлиб, у ўлжани ўзига тортадиган, илинтирадиган нарса маъносини беради. Аммо бу элемент билан ясалган сўзларда бу маъно қисман бўлсада асос билан ясама сўз маъноси ўртасидаги фарқ жуда каттадир. Масалан: *jailbait* (турмада ошно тутилган дўстлар), *draftbait* (армиядаги хизматда дўст тутинганлар), *museum-bait* (аломат, бу дунёда топилмайдиган галати бир феълли одам).

Функционал жиҳатдан кенгайишни бошдан кечирган яна бир сўз бу *job* сўзидир. Ўзининг лугавий, нейтрал маъноси “иш” бўлган бу сўз бириккан ҳолда шундай сўзлар ясаганки, дастлабки маъносидан ҳеч қандай ном-нишон қолмаган. Масалан: *blowjob* “реактив самолёт” балки бу сўзининг келиб чиқишига реактив самолётларнинг турли сабабларга кўра портлаб кетиши бошқа турдаги самолётларга караганда кўпроқ содир бўлганлиги сабаблидир. Унда *mental-job* “ақлан заиф, томи кетган одам” маъносида асос нимага қаратилганини айтиш қийин. *Show-job* қўшма сўзининг маъноси “хушомадгўйли йўли билан бировнинг ишончига кириш, ишончга сазовор бўлиш” бўлса, бу ерда бу томоша сўзининг айрим бир кимсага тегишли эканлигини матндангина билиш мумкин холос.

Сўз ясаш соҳасида ўз функционал фаоллигини кескин оширган сўзлардан бири *fiend* сўзидир. Унинг дастлабки лугавий маъноси 1) иблис, ёвуз рух, дев 2) инсоният душмани 3) ёвуз 4) одат қули 5) ташаббускордир.

Қўшма сўз таркибида бу сўзининг маъноси бир оз ўзгаради ва қўйидаги сўзлар ҳосил бўлади: *drugfiend* — наркоман, банги, *cigarettefiend* — кўп чекувчи, *fresh-air-fiend* — тоза ҳаво қули, *golf-fiend* — голф жинниси, *autographfiend* — автограф олиш дарди бор одам, *dopefiend* — нашаванд, банги, *cocaine-fiend* — кокаин қули.

Craft сўзининг дастлабки лугавий маъноси: 1) хунар 2) қобилият, эпчиллик, санъат бўлиб кейинроқ қўшма сўзининг таркибий элементи бўлиб хизмат қилган пайтда унинг маъноси деярли бутунлай сақланиб қолган. Масалан: *witchcraft* — жодугарлик илми, *smithcraft* — темирчилик, *statecraft* — давлатчилик. Бу хоссаси билан бу гуруҳ аввалги гуруҳдан фарқ қиласи.

Хулоса. мақола сўнгига қўйидагиларни келтириш мумкин:

- Қўшма сўзлар маъно ва қўлланиш қўламини коммуникатив-прагматик нуқтаи назаридан ўрганиш уларнинг структуравий семантик ва функционал аспектларини нафақат тилда, балки шаклан хилма-хил

бўлган нутқда фаоллашуви ва мавжуд бўлиш қонуниятларини очиб беради.

- Кўшма сўзлар мураккаб ҳаётий ҳолатларни икки ёки уч ўзак морфема бирлаштириб бир структура шаклига олиб келиниши йўли билан ясаладиган тил бирликлари бўлганилиги учун уларнинг аҳамияти нутқда ва янги ҳолатларни номлашда катта аҳамият касб этади.
- Айрим ўринларда ўзининг бераётган ахбороти ҳажми билан ҳамда, ўзи ташиб келган мулоқот нуқтаи назаридан қўшма сўзлар каттароқ тил бирликлари бўлмиш сўз бирикмаси ва хатто гапга тенг келади.
- Тил тизимида қўшма отларнинг бажарган вазифаси бу нутқ жараёнида тежамкорлик тамойилини оширишга хизмат қиласди. Бу эса синтактик компрессия (сиқиқлик) га олиб келади.

Фойдаланилган адабиётлар

- 1.Каращук П.М. Словообразование английского языка. — Москва: Высшая школа, 1977. — 303 с.
- 2.Маматов Н. Ўзбек тилида қўшма сўзлар. — Тошкент: Фан, 1982. — 233б.
- 3.Солиев И. Тиллараро типологик шахс категориясини ифодалашда қўшма сўзларнинг роли // Ўзбек тили ва адабиёти. 2001, — № 6, — Б. 83-85.
- 4.Тухтаева К. Структура и семантико-номинативные характеристики сложных слов, входящий в состав фразеологизмов. Дисс...кан.фил.наук. Навои. 2002. — 176 с.
- 5.Хожиев А. Ўзбек тилшунослигига қўшма сўзлар билан боғлиқ масалаларнинг ўрганилиш ҳолати // Ўзбек тили ва адабиёти, 1988. — № 4. — Б. 27-32.

References

1. Karatshuk P. M., *Slovoobrazovanie angliyskogo yazika* (Word formation of the English language Moscow: Higher school, 1977, 303 p.
2. Mamatov N., *Uzbek tilida qushma suzlar* (Joint words in the Uzbek language), Tashkent: Science, 1982, 233 p.
3. Soliev I., *Uzbek tili va adabiyoti*, 2001, №6, pp. 83-85,
4. Tuhtaeva K. *Struktura i semantiko-nominativnie xarakteristiki slojnix slov, vkhodyatshiy v sostav frazeologizmov* (Structure and semantic-nominative characteristics of complex words that are part of phraseological units), Diss. Kan.phil.sciences'. Navoi, 2002, 176 p.
- 5.Hojiev A. *Uzbek tili va adabiyoti* № 4, 1988, pp. 27-32.